

## Iyo Ya Lang Era

Maldita

Taqui ya tambien tu conmigo  
Ta llora na di mio hombro  
Cosa le ya hace contigo  
Igual ya ba tambien del otro?

Firmi ya lang tu ancina  
No hay acabada el tristeza  
Si ta puede lang tu mira  
Hasta mi Corazon ta llora

Ta apreta mi pecho  
Si tu dolorido  
yo tan lingasa na cosa ta pasa

Tan lingasa yo contigo  
Si tu ta calla  
Tan blanco mi pensamiento  
Si tu ta llora  
Roga yo para contigo

Que tu allevia  
Vira cara, taqui lang yo na  
De tuyo acostao  
Ta ama de veras contigo  
Olvida ya lang tu con ele

Si ta senti lang man tu duele  
Acepta si cosa el de veras  
No man lingasa taqui yo na detras  
Acepta contigo masquin paquemodo

Favor cree conmigo  
Cuida yo contigo hasta para cuando  
Si ama tu conmigo